

《中國地方志薈萃》總委會 編

# 中國地方志薈萃

中廟卷·第一輯 玖

# 中國地方志薈萃

中南卷·第一輯

玖

《中國地方志薈萃》編委會編



九州出版社  
JIUZHOU PRESS

全國百佳圖書出版單位

乾隆襄陽府志（二）

# 出版說明

乾隆襄陽府志（二）

（清）陳鶚纂修

襄陽府志卷之九

壇廟 寺觀附

府社稷壇在郡城西門外少北一里許以城北潁漢故也明洪武元年頒郡邑壇制建於北郊左社右稷至十一年定爲同壇合祭

本朝因之乾隆二年

勅修壇制甃磚爲之縱橫二丈五尺高二尺一寸四出陛各三級繚以周垣門北向石主一長二尺五寸方一尺埋於壇南正中神牌二以木爲之臨祭設於壇

日府社之神府稷之神歲春秋仲月上戊日致祭  
州縣同

府山川壇 風雲雷雨壇 城隍壇今制皆合於一在城南一里八蜡廟東按古諸侯不得僭祀上帝故有社無郊風雲雷雨爲天地之功用實出於境內山川故後世郡縣官皆得與社稷壇春祈秋報明洪武二年令風雲雷雨合爲一壇六年又以境內山川合之八年又以城隍合之以風雲雷雨神位居中境內山川神位居左本境城隍神位居右

本朝因之每歲春秋仲月擇吉致祭乾隆二年奉

勅繕修

壇制與社稷壇同

郡厲壇在郡城西門外偏南一里許歲以清明節七月望十月朔祭境內之無主祀者使靈爽有歸乃不爲

厲

府城隍廟在城內大街東銅鞮坊爲元時舊址明天順間知縣李人儀修之萬歷三年知府萬振孫重修有記

襄陽縣

社稷壇在府壇東

風雲雷雨山川城隍壇在府壇後

先農壇在城東門外三里許雍正四年建乾隆二年

勅修壇制

與社稷壇  
丈尺同

前爲門中建壇壇後建祠三楹中供

先農神位東貯祭器農具西貯藉田米穀廂房二間

東貯祭器西住看守農民藉田四畝五分每歲季春

亥日巳時祭先農午時耕藉以正印官行禮佐屬播

種耆老一人牽牛農夫二人扶犁農童六人唱農歌

九推九反農夫終畝雍正十三年又奉文先農壇文

官主祭外其大小武職官亦分班行禮習知耕藉鉅

典

州縣同

按此所謂先農卽月令中八蜡之農與司嗇

并歷代帝王廟所祀神農也有此壇與八蜡祭故祭社稷時不奉以爲配其社稷壇之稷註云穀神亦卽八蜡中之百種非周祖后稷也

常雩祭乾隆七年奉文各府州縣每歲孟夏月辛日致祭以祈時雨擇現壇行禮不必另建是年又奉文凡有亢旱致齋虔禱每禱七日先祭界內山川次祭社稷不雨仍禱如初若久雨祈晴伐鼓用牲禋祭於水

湯較盛之城門獲雨獲晴各報祭州縣同

厲壇在樊城西敵臺街後

城隍廟在樊城西敵臺街

八蜡廟在南門外一里許雍正八年知府尹會一建十二年奉文有司歲十二月上戊日致祭以先嗇司嗇居正位東上農及郵表畷坊水庸黼虎昆蟲六神位分設於左右卽先農壇祀之以他郡不盡有廟也

關帝廟在王府坪順治九年

勅封忠義神武關聖大帝每歲春秋二仲月致祭雍正三

年始祀以太牢五年

勅封其曾祖爲光昭公祖爲裕昌公父爲成忠公建祠於廟如 崇聖祠之制春秋祭日皆先致祭焉又

帝廟在城者有六一在南門城樓上一在府街西一在北門大街一在東直街一在西橫街一在樊城華嚴寺街朝聖門內相傳是廟最古明成化間重建

本朝順治七年重修今成化以後碑記俱存乾隆二十三年前任襄樊同知今武昌知府保成現任同知王正功益大其規制云

龍王廟在城西七里大隄上按大隄上有三龍神廟  
禹王廟在城西五里大隄上按大禹之行水嶧冢導漾  
東流爲漢至於荆山又至於大別則襄郡固爲禹蹟  
所經廟祀固宜

樊侯祠在樊城朝覲門北數百步祀周大夫樊侯仲山

甫碑稱明嘉靖初知府吳華建

有兩碑存廡下

今知府陳鐸

乾隆十八年重修釐清祀田四十畝半給守僧供香  
火半收其租於縣爲修葺立碑以垂永久

龐公祠舊在鹿門山祀漢高士龐德公明嘉靖初巡按

御史王秀重建以啓孟浩然皮曰休配享後人竟曰  
爲三高祠失其當矣今祠已傾圯有司歲時遣祭不  
復至鹿門流俗幾不知有是祠所當急爲釐整以妥  
先賢靈爽者也

諸葛武侯祠在隆中山視漢丞相忠武侯諸葛亮水經  
云沔水又東逕隆中注云歷孔明舊宅北晉車騎沛  
國劉季和與健爲李安其觀此宅命安作宅銘文辭  
甚美永平五年習鑿齒又爲其宅銘後人卽舊宅建  
廟祀之又南雍州記隆中諸葛故宅有舊井今涸荆

州記井深五丈廣五尺堂前有二間屋地高爽云是  
孔明避暑臺

龐靖侯祠在城東三里祀漢軍師中郎將關內靖侯龐  
統正德中都御史陳雍卽侯故宅之改雲封寺者改  
建爲鳳棲書院以祀之里中侍御曹璘爲記記有云  
伯以德操不忘所自則祠內兼有司馬神位矣久之  
仍爲寺雍正四年生員張應時吳訥等復建爲祠置  
田二十四畝以供祠費今曹記碑露立祠旁數十步  
當移置祠內以免剝蝕按祠址又相傳爲宋襄州學

基考鄒浩襄州學記云學舊在城外慶歷五年移建城中此其城外故址歟并識之

羊鉅平侯祠今稱羊杜祠在城南峴山初祀晉太傅鉅平侯羊祜土人卽名以稱祠雍正間守道魯之裕謂稱名非禮以杜征南功德相亞乃增置杜主而改題曰羊杜祠殆非建祠之本意與舊祠創自西晉興廢不一明成化間副使馬震重修副使聶賢知府吳華知府萬振孫相繼修葺今晉李與初成侯碑文宋歐陽修峴山亭記並勒石於門內祠內有石幢另詳

古蹟

以上五祠春秋時享列於祀典

米公祠在樊城朝覲門內祀宋知淮陽軍米芾舊名米家巷祠前有墩中爲迴衢雍正五年知府高茂選以墩歸祠建橋以合於祠下作券門以通行路築亭墩上曰面墩亭又得公墨跡勒石祠中今存石刻四十五方祠前左有明陳繼儒所撰志林序勒於碑碑之陰刻淨名齋記石有

本朝御史邵嗣堯所撰碑記碑陰刻西園雅集圖記亭

前有高茂選面墩亭碑券門內外有米氏故里新舊  
二碑同知王正功改面墩亭曰潔亭以表公志

忠烈祠在城西關宋雙節廟故址也初祀援襄死難之  
統制張順張貴明崇禎初知縣王業浩增祀守樊死  
難范天順改額三忠祠明末都御史蔣允儀增祀戰  
死指揮謝成名改爲四忠祠後燬於兵

本朝雍正間知府高茂選率舉人陳一揆等復因舊址  
建忠烈祠以祀二張公及守樊城之范天順牛富張  
漢英裨將王福最爲允當乾隆戊寅知府陳鏐考正